



UKA 2018/141  
25. oktober 2018  
Aqqaluk Heilmann

**Nuummi illut minillugit Illunik aningaasalersuisarnerup, niueruteqarnerup attartortitsisarnerullu unammilleqatigiinnermik tunngaveqarnerulernissaat pillugu 2020-mi Upernaakkut ataatsimiinnissamut najukkani assigiinngitsuni illut suuneri najoqqutaralugit periarfissat pillugit nalunaarusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nalunaarusiami aamma ineriartorneq tamanna siuarsarumallugu periarfissaasinnaasut pingaarnersiorlugit allaasereqquneqarput.**  
(Inatsisartunut ilaasortaq Justus Hansen, Demokraatit)

Atassummiit qujavugut siunnersuutigineqartumut.

Nunatsinni innuttaasut nammineq angerlarsimaffisamittut illunik pisisinnaaneri Atassummiit annertuumik soqutigisarivarput, naleqqummik illu akigineqarneratigut.

Taamaaliornerup kingunerisarmagu inimik attartorani nammineq akisussaaffik pigineqalertarmat.

Erseqqissaassutigissavarpulli pisortat illuutaannik pigisaqarnermi aatsaat tamanna akornutissaasumik inissisimannikkaagat periarfissaq iluarisimnaartaratsigu.

Tassami pisortat illuutaat atorfissaqartuaannarmata atorfinikkiartortussat piffissamiluunniit taasami suliartorallartussat inissaqarniassappata.

Suliassaq inuiaqatigiinnut pitsaasumik kinguneqartussaq soqutiginartorlu iluaqutissartaqartoq qaqqinneqarpoq suliakkiunneqarluni.

Atassummiit peqataaffigissavarput ineriartortinneqarnissaa, pingaartipparpullu nalilersuinerit pilertinnagit qulaajaalluni misissuisoqarnissaa, malitsigisaanillu periarfissanik suli allanik aqqutissiuussinissamut tikkuussisoqarumaartoq kissaatigalutigu.

Ilanngullugu oqaatigerusupparput akilersuilluni illutaarsinnaaneq periarfissiuunneqarniarnera tunngaviatigut ajorinnginnatsigu.

Taamaattumik inatsisinik sukarinermi akilersuititsinissamullu piumasaqarnissami ilanngullug eqqumaffigineqartariaqartut inuit akiliisinnaassusiannut naleqqussaannissaq.

Siunnersuut ataatsimiititaliamut susassaqartumut innersuupparput ingerlatinneqassasoq.